

Link: <http://www.vkladusa.com/2012/06/01/reprezent-porucio-velikokladuskom-sdp-u-sjasite-sdp-ovci-i-ostavite-nas-na-miru/>

ReprezenT poručio velikokladuškome SDP-u: “Sjašite SDP-ovci i ostavite nas na miru”

[Saopštenja](#), [Velika Kladuša](#) | [VKladusa.COM](#) | 1. Lipanj 2012. 08:00

Novinarstvo je struka kojom se bave novinari u prikupljanju, pisanju i objavljivanju informacija za pisane medije, radio, televiziju, te savremeni digitalni komunikacijski sistem internet. Za razumijevanje ove profesije sasvim dovoljno. Međutim, ozbiljan problem se javlja kada se ovim „šejtanskim“ zanimanjem svako hoće baviti, a najčešće i najupornije nepismeni ili polupismeni političari (ne vrijeđam, već mislim na političku pismenost) u zvanju nekog predsjednika koji je na čelu svojih dvadesetak i kusur



istomišljenika.

Bili smo u dilemi da li ovakvim piskaralima uopće odgovarati, tim prije što naslovljeno reagovanje na tekst objavljen u ReprezenT-u br 304 uopće nije potpisano niti jednu jedinu riječ demantira, ali kako dolazi iz Centrale Općinske organizacije SDP Velika Kladuša ipak smo odlučili odgovoriti i jasno reći: SJAŠITE SDP-ovci I OSTAVITE NAS NA MIRU, nastavite, kao do sada, jahati maglu, a onaj ko nema m...da se potpiše na proslijeđeni tekst koji je odaslan na sve portale, ne bi se trebao baviti „čestitim“ zanimanjem političara.

Evo zanimljivih, neodmjerenih i zlonamjernih konstatacija. **Nažalost, prisiljeni smo da demantujemo Vaše navode objavljene u posljednjem broju Vaše „nezavisne“ novinske kuće, a tekst našeg saopštenja dostavljamo Vam u cijelosti u prilogu. Ovo je naslov demantija: ReprezenT – jednostranački glasnik prepun laži i obmana kladuške javnosti.**

Nešto mislim, pa sve da je ovako, šta je to SDP briga, oni imaju svoje novine, svoj radio i svoje dvije televizije pa zašto onda toliki interes za ReprezenT. E, kvaka je u činjenici da ReprezenT kaže što drugi ne smiju i tu nastaju problemi. Ipak, pođimo redom kako bi vidjeli šta su to velikokladuški SDP-ovci demantirali, odnosno šta nije istina što je ReprezenT objavio, a svjesni da smo nešto propustili sada ćemo još dodati pa će se tek vidjeti ko je ko.

Demokratski procesi, započeti devedesetih godina na prostoru bivše Jugoslavije, koji su nažalost u samom začetku krenuli u pogrešnom smjeru i umjesto na evropski put, odveli nas u slijepu ulicu, ulicu koja vodi do jednog ogromnog ponora u koji smo gurnuti i u kojem se koprcamo evo već treću deceniju, svoj epilog ima i danas u Velikoj Kladuši, u kojoj je do sad još nevidenim manipulacijama izloženo pedeset hiljada ljudi.

Jako „pametna“ konstatacija ali kakve ona veze ima sa demantijem. Ovdje su pobrkani lonci i poklopci.

Lokalna stranka na vlasti, čiji su čelnici interese građana Velike Kladuše podredili interesima pojedinaca i grupacija unutar vlastite stranke, ne birajući sredstva ni načine da našu Općinu učine što nerazvijenijom, naše sugrađane iscrpljuje do iznemoglosti bijedom i siromaštvom, kako bi ih učinila još pogodnijim slugama.

Umjesto da su u službi interesa građana Velike Kladuše i da se bore za svako radno mjesto, ovi vješti manipulatori vode sasvim drugu politiku, politiku obmane i onemogućavanja zapošljavanja.

Slažem se i jedva čekam oktobarske izbore da doprinesem nekim promjenama jer nemam drugog načina, ali pitam, šta ovo ima sa demantijem, šta vi ovdje demantujete?

Evo nas konačno na „domaćem terenu“. **Za obmanu javnosti i izvrtanje istine koriste lokalne medije, pa čak i one koji sebe nazivaju „nezavisnim i krajiškim“, a u stvari treba da nose naziv „jednostranački glasnik prepun laži i obmana kladuške javnosti“. Ne čudi nas zato sve manji tiraž „ReprezenT-a“ kojeg zaista malo ko više i čita, jer vrijeda građane Velike Kladuše iznošenjem neistina.**

Glavni urednik „ReprezenT-a“ griješi ako očekuje da su građani Velike Kladuše i dalje toliko „jednostranački zaslijepljeni“ i naivni da će prihvatiti za građane Velike Kladuše pogubnu politiku lokalne stranke na vlasti koju je on kao stranački poslušnik dobio zadatak da medijski propagira.

Kada smo kod obmane javnosti koju navodite ovako stvari stoje: Vlada USK-a čiji je premijer vaš šef nabavila je početkom godine (ReprezenT je o ovom pisao) novinarsku opremu vrijednu 200 hiljada KM i zaposlila pet-šest novinara u kabinetu i oni pišu vijesti o tomu šta i kako radi Vlada USK-a. Na takav primjer nisam naišao u BiH, a ReprezenT je jedini medij u USK-u koji nije na mailing listi Vlade USK-a. Valjda ovo govori ko obmanjuje javnost.

Hvala na brizi za ReprezenT, kako možete reći da ga niko ne čita kada to vi prvi u SDP-u činite i činit ćete tek. Da je potpisnik demantija iole ozbiljan i da prati dešavanja u Velikoj Kladuši morao bi znati podatak zbog kojeg me niti u šali ne bi trebao nazvati nečijim poslušnikom. Potpisniče demantija koji nemaš m... da se potpišeš trebao bi biti informiran da je glavni urednik ReprezenT-a **Esad Šabanagić** tužio Općinu Velika Kladuša i općinskog načelnika zbog uskraćivanja osnovnih ljudskih prava i svakog dana očekuje presudu.

Gore spomenuti ortodoksni neznalica stanja u Velikoj Kladuši morao bi znati što zna gotovo svaki građanin Velike Kladuše da je Esad Šabanagić obavijestio Općinsko vijeće da će po primitku sudske presude, bez obzira kakva ona bila, Općinskom vijeću u ovom sazivu vratiti najveće općinsko priznanje „Februarsku nagradu“ koja mi je dodijeljena 2006. godine. Moje moralne vrijednosti ne dozvoljavaju ovakav srazmjer, od nagrade do progona i kršenja osnovnih ljudskih prava o čemu su obaviještene sve relevantne međunarodne organizacije, a na sramotu, naravno naše Velike Kladuše. E sada i logično pitanje, da li je imalo normalno, kako kažete, da takve propagiram i radim kako vi zamišljate.

Ovo što slijedi veze nema sa pameću i demantijem, ali ćemo ipak sve objaviti sa ciljem kako bi javnost konačno prozrela namjere i ciljeve malobrojnih kladuških SDP-ovaca koje po svojoj prilici vodi nedorasla i nezrela osoba. **Rezultati politike lokalne stranke na vlasti su toliko porazni da se slični primjeri ne mogu naći nadaleko. Spomenućemo samo radna mjesta koja su bagerima uništavana, te na sličan način uništeni kladuški dom kulture, a zatim i**

milionska dugovanja privrednicima Velike Kladaše, koja oni na žalost ne mogu preživjeti, ni oni, a ni njihovi dobavljači.

Svi zajedno smo se zimus smrzavali u prostorijama Općine Velika Kladaša i bili nijemi svjedoci obespravljenih zaposlenika Općinske administracije, promrzlih naših sugrađana koji su u takvim uvjetima mjesecima radili bez primljene plate i u strahu, nemajući kome da se žale. Iako ovo nema veze sa demantijem, red je valjda napisati ko se smrzao, ko nije primio plaću i sl.

Porazna je i politika Općinskog sportskog saveza, koji umjesto da sredstva prioritarno ulaže u izuzetno nadarenu kladašku djecu, osvajače zlatnih odličja na jakim međunarodnim turnirima u borilačkim vještinama, atletici i moto krosu i na taj način stvara promotore i ambasadore našeg grada, vodimo politiku sporta u kojoj za ambasadore kladaškog sporta biramo konja održebljenog u Engleskoj, za kojeg moramo i džokeja dovesti, te kojeg onda mora hraniti i kompletna kladaška privreda u privatnom sektoru. Naš Nogometni klub „Krajišnik“ pretvorili smo u „legiju stranaca“, pa onda doživimo paradoks da te skupo plaćene igrače u međusobnom susretu nadigra NK „Mladost“ iz Vrnograča, koja danas s pravom uživa epitet „kladaška mladost“ itd, itd. Bože me sačuvaj nepismenosti i neznanja, Kakve ovo veze ima sa otvaranjem radnih mjesta u Polju i vašim demantijem.

Gospodine Esade Šabanagiću, da li ste se i vi ikad u svojim komentarima kao „nezavisan“ novinar, „nezavisne“ novinske kuće osvrtni na slične probleme ili na bilo koji drugi kladaški problem, osim što prve stranice vaših „nezavisnih“ novina trošite na blaćenje Hamdije Lipovače, SDP BiH USK-a, stranaka platforme, pa i kladaškog SDP-a, kojeg nemilosrdno sabotirate. Smiješno da ne može biti smješnije. Sa tim vašim šefom

Hamdijom ja sam se u Polju pozdravio prije bilo kojega od vas SDP-ovaca i razmijenili nekoliko riječi, a znamo se godinama pa je ako ništa onda nekusno nekoga braniti ko se brani bolje od sviju vas SDP-ovaca zajedno.

Znamo mi gospodine Šabanagiću da ste Vi i vaša porodica zbrinuti radnim mjestima i zbog toga Vam ne znači puno, rekli bismo čak i smeta što premijer Hamdija Lipovača otvara radna mjesta i u Velikoj Kladaši, a ne kako vi to kažete u „svojoj zoni odgovornosti“, mada griješite, jer je cijela teritorija USK-a u zoni odgovornosti njenog premijera.

Ne čudi nas gospodine Šabanagiću što navodite da Radio Velika Kladaša nije ni objavila preuzetu izjavu od premijera Lipovače, niti što općinska web stranica, kako sami kažete, nije ovaj događaj ni spomenula, jer to je kod naših lokalnih medija pod kontrolom lokalne vlasti nešto sasvim uobičajeno, na što smo već naviknuti, a samo govori o profesionalnosti i odgovornosti istih, te o dostignutom stepenu demokratičnosti čelnika lokalne stranke na vlasti.

Ne čude nas ni neistine da općinske vlasti nisu bile pozvane na otvaranje ovog pogona, jer oni se rado pojavljuju jedino na mjestima gdje se radna mjesta bagerima ruše ili barem gdje mogu ostvariti lični ili direktni stranački interes. Ne čude nas ni neistine da obdaništu u Velikoj Kladaši nije uručen vaučer za trampolinu, navikli smo i na to, jer ste nas bezbroj puta do sada uvjerali da ste vi samo jedan obični stranački poslušnik, a slijedeća slika dovoljno govori o istinitosti Vašeg navoda.

Još jedna ortodoksna laž nepotpisanog SDP-ovca jer Esad Šabanagić nije zaposlen i godinama se svaka tri mjeseca javlja na biro rada. Glupost je reći da meni građaninu i novinaru smeta Hamdija Lipovača. Ma ne smeta bolan, već mi smetaju njegove laži a pogotovo one o zapošljavanju 40 hiljada radnika na kargo aerodromu Željava.

Zbog ovih i brojnih drugih spominjanja laži vašeg premijera vi iz SDP napadate ReprezenT i on vam smeta, ali po svoj prilici nećete uspjeti. Pitam autora demantija – koji to nije niti jednom riječju, kakav je njegov karakter kada je u stanju izvrtati činjenice. Posjedujem dakle video izjave i premijera Lipovače i gospođe iz Slovenije i samo gluh nije mogao čuti da je trampolina namijenjena i uručena za jedan dječji vrtić u Bihaću.

Šta je bilo kada su novinari otišli u svoje redakcije, nešto je drugo i to je trebalo pojasniti, a ne napadati kako su mediji neprofesionalni i nisu takvo što objavili. Ne mogu na kraju ostati dužan još jednu činjenicu zaštitniku Hamdije Lipovače koji ga brani od mene, tj onom bez m.... da je njegov lider u Polju bio na „mjestu zločina“ **Šefika Smlatića**, njegove desne ruke, a podsjećam samo da je radnicima ostao dužan pet plaća preko čega se nekako može i preći.

Međutim, pitam ovog bez m.... kakav je njegov stav o činjenici da je Šefik Smlatić u hladnjače „Agrokomerca“ uvezio svinjsko meso, a iz proizvodnih pogona izlazili halal proizvodi. ReprezenT je o tome također pisao i ima originalni zapisnik i zato vama SDP-ovcima ne valja ReprezenT. E neće moći. Ko god g.... traži čepa, dobiće ga. **(Kraj)**

(Tekst: Esad Š. / ReprezenT)